

壬癸志彙

壬癸志稿三

太倉錢寶琛伯瑜輯

同里

葉裕仁涵溪
季錫疇崧耘
趙兆熊耳山
畢庭杰雄伯

參校

人物

太倉州

忠節

元

顧觀字孟顥元市舶司正捐家貲之半招徠俠士王子才贊成海運自劉家河至南薰關築長隄三十餘里名樓列布番賈如歸武陵橋由此得名至正十二年遭方

壬癸志稿

忠節

一

國珍亂臨難不屈伏劍死

杭和卿錢塘人元開海運徙居太倉充漕戶家高貲方國珍入寇和卿散財穀募死士僧謬懺首應奮力格賊旬日殺賊數百梟首半涇上賊少沮民得間竄既冒雨大戰懺失足死和卿一家無少長皆遇害

尤鼎臣太倉人州吏至正末張氏入吳州倅奉印降鼎臣阻之不得為其將所繫陷以美官不屈扶百餘終身錮之

明

龔詡字大章父給事中詈以直諫戍五開母王氏見列

女傳詡方三歲隨母依外家訥歿勾補伍族人保持之
行金得緩年十四補遼陽衛惠宗憫詡直諫子調守金
川門年二十一靖難兵至谷王穗以門降守者奔詡奮
戈不中走郊外冀一當顧宮中火起乃大慟變姓名王
大章遯歸里時大索亡至任陽投馬陳二氏匿詡大困
中詡卽困中讀書間夜渡婁省母索益急族人瑀復陰
爲計歷二十餘年禁稍解賣藥授徒人盡知王大章卽
龔訥子詡也傷其志無告者宣德七年例移附近得鎮
海衛義不就周忱籍田江南聞之具禮訪詡詡條便宜
二十事民以爲便母卒詡已班白號輒絕久之忱連薦

王癸志稿

忠節

二

署松江太倉鎮海衛學教授不應忱躬請之泫然曰詡
老兵仕無害但負往日城門一慟耳忱歎息去無子築
逸老庵虞浦上獨與一老婢居破廬中有田三十畝種
豆植麻歌詠自得每及先朝事悲不勝年八十有八卒
卒時整衣冠端坐誦大學首章而絕有白氣起屋上門
人謚曰安節先生祀鄉賢隆慶間卹錄壬午諸臣撫臣
張佳允疏請得特祠

王昶按勝朝殉節諸臣錄入祠土
民有金川門卒龔翊籍貫未詳燕

兵入金川門慟哭遂
隱而死蓋卽詡也

武尚文鎮海衛指揮嘉靖三十二年倭亂奉檄統所部
駐上海五月倭逼尚文率眾出東門遇賊輒敗之乘勝

進賊伏西蔓笠橋下伺尙文過利刀斷馬足尙文死同時死者縣丞宋鼇鎮撫吳賢督撫以下臨哭甚哀曰三人得死所矣

徐樹聲字文岳萬曆四十四年遼事告急樹聲以布衣謁將軍李如松畱幕五年如松死孫承宗駐廣甯樹聲復謁軍門獻策承宗悅之使隸監軍袁崇煥天啟七年甯遠之戰遣樹聲奏捷京師賜銀杯等物使歸壽其父崇煥進遼撫授樹聲游擊及崇煥被戮孫元化爲巡撫擢旅順島參將元化遣孔有德等援遼道新城作亂據登州樹聲聞報馳救半渡颶風大作軍艘覆溺者半轉

王癸志稿

忠節

三

募赴敵戰於登州之西關力屈被執不食死

王壽字濬仲秩玄孫少孤貧九歲出後從叔族有謀其產者產且鉅萬壽悉以讓獨迎養所後祖母及母惟謹萬曆四十六年舉於鄉授海門教諭謝革贄儀後補儀真邑令墨絕弗與通嘗會試路資絕商人江慕燾清節進百金婉辭弗受薦升解州知州未任丁祖母憂服除補隨州隨固賊衝城庠壞戶不滿千壽至增垣練軍實賊易隨縱騎過燾督民兵擊斬三百餘人賊憤悉眾圍城守二十日引去崇禎十年賊縱火焚隨南城守將王大用遁關廂失守燾猶晝夜乘城手殺賊偵會天大風

雪西城火裂燾知事敗馳入署整冠帶自縊賊焚州治
所縊室獨存尸植立不仆賊望見駭走既所司察狀覓
州印印出壽所立尺土下踰年子錫中疏請贈卹未報
福王時諡烈愍 國朝諡節愍

沈雲祚字予凌弱冠隨其父謁高攀龍於東林得主敬
之學崇禎十三年成進士授華陽知縣獄囚秦纘勳者
爲徭黃賊耳目殺獄卒逸雲祚潛告其族人石砮土司
秦良玉俄械之至吏驚爲神十七年正月張獻忠破夔
州成都大震雲祚見蜀王陳守禦策不納聞內江王至
淥賢以言激之至淥心動告王王終以祖制辭五月賊

壬癸志稿

忠節

四

陷重慶燒劫數百里旋薄城下雲祚偕僚屬慷慨誓死
守巡撫龍文光決郫江大堰注錦江以益濠水甫至城
已破賊執雲祚幽大慈寺饋以食雲祚躍起大罵指其
口曰我有口食賊肉耳豈食賊粟哉遂遇害 國朝賜
諡忠烈祀鄉賢幼子荀蔚方五歲友人預匿之山中得
脫越二十年始歸作蜀難敘略上之史館

吳繼善字志衍崇禎十年進士爲人博學辨智書一覽
輒記文體古麗取法漢魏名稍亞於張溥謁選得四川
成都知縣時寇陷荆襄或尼其行繼善不可遂問道之
官見蜀事棘啓請蜀藩發帑金備寇不應張獻忠破成

都一門三十六口俱遇害時甲申十一月二十五日也

其弟事衍得脫歸僕五郎者已免奮然曰主死吾安得

獨生慷慨罵賊亦死之

王昶按吳偉業傳云張獻忠破成都被執罵不絕日賊斃而割

之一門四十餘口皆遇害彭遵泗蜀碧所載亦同但四

善降賊被殺未知所本姑紀於此

季曾貫字恕先諸生吳繼善延赴成都幕獻賊陷成都

繼善闔門遇害賊解曾貫縛令作郊天文不屈賊燔之

骸骨爲灰燼時又有黃錫侯同在繼善幕亦被害

王祈魯王時爲建甯守將封鄖國公建甯城破巷戰不

勝遂自焚死 國朝追諡烈愍

王癸志稿

忠節

五

趙自新字我完四歲失足墮井家人引縋出之無怖色
年十一從父觀射飛矢中股醫者出鏃治之色不變家
貧身執廝養役而勤學弗輟崇禎十二年舉於鄉循選
節推需次京邸忽心痛遂歸父病果劇乙酉詣州守請
給僧牒微服出行祝髮於松江之會龍庵旋隱嘉定之
封家村有謝姓者告以應舟山之招自新謝之及事洩
逮者至門自新與弟方奕徐斂子就縛曰吾久辦此矣
械至松江絕食數日不死復械至江甯時主讞者爲洪
承疇自新昂身前對曰公爲新朝佐命身爲故國遺民
豈嘗須臾忘死哉顧有其志無其事徒負虛名竊用爲

愧復鞫謝姓者卒無實得釋歸旬日卒年五十三臨歿謂其子曰吾生無益於世歿後題墓石曰明鄉進士憤道僧趙某願足矣自新面目嚴冷人望而畏之著作甚多陳瑚陸世儀輩皆其弟子

蘇應昌字際之衛百戶中武舉授潁州守備拒卻流賊告假歸居南城 大兵至走別墅密室中自經兩子解之會鄉兵攻城應昌欲內應張帥獲之面鞫不屈曰殺則殺耳特不受叛逆名遂受刃長子願代死張義而釋之

王湛字德嚴諸生 大兵定蘇州畱將張天福孟全勝

壬癸志稿

忠節

六

以重兵駐太倉鄉兵起湛與兄淳部署其眾率雙鳳鎮千人至北門 大兵出擊之兄弟皆死淳字美升里居教授素有士行

張陽豫字孟和歲貢生授金壇訓導後遷居崑山 大兵圍城陽豫登陴拒守與其子執黃旗麾軍城破死之郎星緯字元翊諸生少穎異美丰儀爲文工儷體試輒冠軍素以忠義自矢闖賊陷燕都星緯憤朝士有從賊者草檄致討文出四方競傳之順治二年夏 大兵至閉戶慟哭會新令下弗從走沙溪卒就死年三十餘 尚子升州人就婚崑山沈氏家馬鞍山下佃儻有志節

大兵下崑山子升謂其妻曰我必死矣汝亦不可辱妻曰諸乃先縊其子次縊其妻懷練以出自縊於山巔佛閣

顧徵甫湯四竝鄉民 大兵駐州城二人率直塘鎮民由北關入城與戰被執皆磔死

金鴻按直水志顧兆行字貞孚明末武舉此作

徵甫字音相近未知孰是

王國璠字露玉諸生 大兵駐州城國璠率沙溪民由北關與戰眾潰死之

國朝

黃元灝字學海嘉慶二十四年舉人任江都教諭咸豐

壬癸志稿

忠節

七

三年二月粵匪陷揚州或勸之去元灝曰死吾分也將何往乎納印之明倫堂遂自經有僕陸元者與俱死友王燮爲斂骨卽其地藁葬揚州收復其從孫受益往扶棺歸葬焉

壬癸志稿三終

